



Dialuna Oktober 7 2013 - Edicion-7 Vol.192544

Sta.Cruz #110 Tel: 585-9500 Fax:585-0951 - E-mail: solodipueblo@gmail.com

1.50

AWE NOCHI 9:10

Sintoniza Canal 22

Programa di Mary Joan
Foundation

cu The Pink Voices Festival

Gobierno di Hulanda tambe na altura di e desaster financiero aki:

FOR DI 8 LUGAR NA 2009, AWE ARUBA TA NA PROMER LUGAR ENTRE E PAISNAN EUROPEO CU UN DEFICIT FINANCIERO ASTRONOMICO

Midimento di forza interno den AVP

Otmar a crece cu 143% mientras Mike Eman cu
solamente 1.9%

MEP hamas a yega di baha bao di 7 asiento!

**Rene Herde ta lubida di splica pueblo cu AVP a
yega di cay te na 1 asiento na 1976**

Giselle Croes ganadora absoluto di The Pink Voices Festival



Mike Eman tin bronchitis

3 Pallet di sticker di AVP tira afor

Miles di Stickers di Mike # 1 ta di nos!!
tira afor na dump Gabilan na Calabas

LIDER DI MEP DURANTE PROGRAMA RADIAL
"INTERES DI PUEBLO"

**ELOGIO GRANDI PA CADA CANDIDATO
DI MEP, DEMOSTRANDO ASINA UN
HUMILDAD GRANDI**



solo ta traicionero
PROTEHA BO CUERO

 Koningin Wilhelmina Fonds Aruba



Lider di MEP, mr. Evelyn Wever Croes a aumenta cu 110%

Mientras Mike Eman a bay dilanti cu apenas 1.9% den voto personal

STA. CRUZ -- Apenas algun dia despues di eleccion e resultadonan personal di cada candidato ta conoci pa pueblo. Den un analisis haci entre e lidernan di cada partido por a constata cu Lider femenino, sra. Evelyn Wever - Croes ta e gran ganador den votonan personal den comparacion aña 2009 vs 2013. Na aña 2009 sra. Evelyn Wever - Croes den su promer apariencia riba un lista politico a ricibi 1621 voto. Mike Eman sinembargo na 2009 tabata su di 3 apariencia como candidato y e di dos como lider politico di AVP y a logra acapara 8068 voto riba su number. Ora a haci un analisis riba votonan personal entre e dos lider politiconan den comparacion cu aña 2009 vs 2013 por a nota e siguiente resultado. Lider di MEP, sra Evelyn Wever - Croes 1621 voto na aña 2009 y 3396 voto na 2013. Esaki ta un aumento di 1775 voto y ta representa 110% di aumento personal. Lider di AVP, Mike Eman 8068 voto na aña 2009 y 8222 votos na aña 2013. Esaki ta significa un aumento minimo di 154 voto cual ta representa un aumento di apenas 1.9%. Si compara cu AVP y Mike Eman a usa, segun cifranan ainda informal, minimo 10 milyon dollar pa cu eleccion 2013 y MEP



algo di alrededor 700 mil florin ta muestra cu e gran perdedor den votonan personal ta Mike Eman. Esaki ta e resultado final personal cu Mike Eman mester deal cune pa e proximo añanan. No obstante tin indicacionnan fuerte cu patronizadornan grandi di campaña di AVP ta hopi rabia y indigna cu e resultado ora nan midi esaki vs asiento como cu Mike Eman a garantiza nan 15 asiento unda nan por cambia constitucion sin problema y tambe Mike Eman a priminti nan 11 mil voto personal pa kibra e record di 10800 voto di Betico Croes. Den ambos intento Mike a faya barbaramente. Awor comerciantenan tambe mester bay biba cu medidanan cu lo ta na caminda y cu lo bay afecta nan y e biaha aki NO ta MEP pero propio partido AVP ta na turno pa sinta riba su blaar. Finalmente Mike Eman ta e gran perdedor den votonan personal.

Gobierno di Hulanda tambe na altura di e desaster financiero aki:

For di 8 lugar na 2009, awe Aruba ta na promer lugar entre e paisnan Europeo cu un deficit financiero astronomico

DEFICIT/GDP (2009) %	DEFICIT/GDP (2012) %		
Aruba y varios pais Europeo	Aruba y varios pais Europeo		
1. Grecia	-15.6	1. ARUBA	-9.7
2. España	-11.2	2. España	-8.1
3. Inglaterra	-10.9	3. Grecia	-6.9
4. Portugal	-10.2	4. Inglaterra	-6.6
5. Francia	-7.6	5. Italia	-5.4
6. Belgica	-5.6	6. Portugal	-5.2
7. Holanda	-5.6	7. Francia	-4.5
8. ARUBA	-3.6	8. Dinamarca	-4.1
9. Alemania	-3.1	9. Holanda	-3.8
10. Italia	-3.0	10. Belgica	-2.8
11. Dinamarca	-2.8	11. Luxemburgo	-2.0
12. Suecia	-1.0	12. Suecia	-0.3
13. Luxemburgo	-0.8	13. Alemania	-0.2
14. Suiza	0.8	14. Suiza	0.7

STA. CRUZ -- Aunke cu e gran mayoria den nos comunidad te ainda no kier comprende den ki situacion financiero precario nos pais ta aden na e momento aki y esaki despues cu nan a vota masalmente pa partido AVP, toch partido MEP lo sigui informa nos pueblo riba e topico aki, ya cu na momento cu e realidad amargo di medidanan drastico toca na porta di cada ciudadano, esaki lo no bay cay di sorpresa pa henter comunidad. Hecho ta cu si nos finanzas publico sigui deteriora den forma accelera, muy pronto lo no bay tin fondonan disponible mas pa hinca den nos salubridad publico, enseñansa, husticia, asuntonan social, infraestructura etc. Siman pasa nos tur tabata testigodibishita di tur lider politico y representantenan di tur organo principal den nos pais na Gobernador di Aruba y caminda cada un - cu excepcion di e Presidente di Banco Central - a muestra nan preocupacion pa cu e rumbo cu nos ta pais ta bayendo durante e

ultimo 4 añanan. Partido MEP un biaha mas kier trece padilanti algun informacion real di con nos pais ta para entre tur e paisnan Europeo pa loke ta nos deficit financiero y caminda na Europa e norma di -3% di deficit ta vigente na e momento aki.

Elogio pa gobierno di MEP

Na 2009, esta durante gobernacion di MEP, pais Aruba tabata tin su deficit financiero relata na GDP di -3.6% y tabata para na di 8 lugar entre tur e paisnan Europeo. Pues claramente por mira riba e tabel adunto cu e deficit di Aruba tabata hopi mas abao cu Grecia, Spaña y te hasta mas abao cu Hulanda. E tempo ey Gobierno di MEP a haci un tremendo trabao riba tereno financiero y ta pesey no ta pornada cu Secretario di Estado Hulandes Ank Bijleveld a duna elogio na gobierno y a declara entre otro lo siguiente: "Het financieringstekort van Aruba was de afgelopen jaren niet buitensporig hoog en ook de staatschuld,

die rond de 45% BBP ligt, is lager dan die van veel EU Lidstaten". Sinembargo kico nos ta mira na 2012? E deficit financiero di Aruba a aumenta drasticamente den apenas 3 aña di gobernacion di AVP y esaki a yega te na -9.7% di nos GDP. Realidad ta cu awe nos pais ta pronkia na promer lugar cu un record di deficit entre tur e paisnan Europeo y te hasta nos a surpasa paisnan manera Grecia, Spaña y Hulanda grandemente. Siguramente gobierno di Hulanda tambe ta bon na altura di e situacion doloroso aki y no ta pornada cu Gobernador (lesa: Hulanda) a invita tur partido politico y tur instancia gubernamental importante pa haya tende kico nan tin di bisa di e situacion aki. Awe e gobierno di AVP ta sinta cu e batata cayente di tuma medidanan drastico pa salba nos finanzas publico, pero na timon di gobierno nos tin un Minister President den un 'denial' completo y ta haci como si fuera cu tur cos ta bon den e pais aki. Ora cu lider y presidentenan di paisnan grandi manera Grecia, Spaña, Inglatera, Portugal, Francia y Hulanda durante e ultimo añanan a traha duro pa reduci nan deficitnan financiero, aki na Aruba nos tin un Minister President Eman cu ta biba cu e actitud irresponsable cu 'nos ta djis bay un tiki mas den Rood' pa financia tur su compromisonan financiero. Aruba, quo vadis?

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Hyatt Casino ta regala Free Play *Trece un amigo y disfruta mas*

Tur Dia

Bring-a-Friend Free Play.

Trece un amigo pa asina hunga gratis. Como miembro existente ricibi \$15 di Free Play y bo amigo lo ricibi \$10 di Free Play ora e registra.

For di 10:00 AM te cu 4:00 AM



\$1,175.79

**HYATT
REGENCY
RESORT**

Pa mas informacion relaciona cu e promocion aki, yama nos Players Advantage Club na 586-1234 ext. 4583.

Mike Eman tin bronchitis



STA. CRUZ -- Informacion cu a circula den weekend ta bisa cu Mike Eman tin bronchitis of en todo caso problema cu pulmon. Sinembargo diahuebs atardi el'a wordo señalata sali for di Marriott Hotel. No ta conoci kico su berdadero estado di salud ta. Cualkier afspraak na specialista pa Buchi of Maria ta dura 4 pa 5 luna y mester warda te cu Januari 2014. Si specialista aplica e mesun regla aki y e mesun lista, esaki kier meen cu Mike lo mester warda basta tempo pa haya



un afspraak cu dokter. Sinembargo nos tur sa cu Mike sigur lo haya un trato preferencial. Awe dialuna e mester presenta pa 10'or di mainta na Gobernador di Aruba pa asina discuti e siguiente paso pa formacion di gobierno. Awor Gobernador di Aruba a haya un bista completo di e situacion financiero y lo mester consulta cu Hulanda kico t'e proximo paso. Casi sigur Gobernador lo duna Mike Eman e mensahe cu e maneho di ultimo 4 aña lo no por sigui y lo mester bini cambio den maneho.



A ser bisa cu AVP lo ta interesa den un zakenkabinet, pero di otro banda siman pasa a tuma lugar varios uunion pa asina papia di formacion y posicion. Mervin Ras a wordo priminti di bira minister, pero esaki a pone algun fuse bula den partido. Awor a ofrece Mervin Ras e posicion di presidente di parlamento, pero esaki tampoco no a cay den bon tera. E siman aki lo tende ta con ta sigui cu e reparticion di posicion den AVP. Awenochi e partijraad lo sigui.

Hulanda a instrui Gobernador pa investiga ministernan



STA. CRUZ -- Siman pasa Gobierno Hulandes a tuma un decision fuerte contra di Sint Maarten. Gobierno Hulandes a instrui Gobernador pa start un investigacion contra di Gobierno di Sint Maarten pa integridad. Despues cu algun luna pasa un parlamentario a ser investiga pa corrupcion y pa a tuma placa di comerciante pa asina otorga favor. E caso a bay asina leu cu tin hopi duda den integridad di

ministernan. E investigacion lo mester wordo haci ariba minister- y ambtenaarnan. Di esaki a exclui Parlamento, Raad van Advies, Algemene Rekenkamer y otronan. Entre otro Antilliaanse Dagblad a raporta esaki: "Het Koninklijk Besluit maakt duidelijk dat het parlement, de rechterlijke macht, de lokale Raad van Advies, de Algemene Rekenkamer en de Ombudsman buiten het onderzoek vallen. Defocus is op ministers en ambtenaren en op een aantal specifieke sectoren waaronder prostitutie, gokwezen en vreemdelingenverkeer, vergunningen voor infrastructurele werken en grote aanbestedingen. Overheidsbedrijven worden ook in het onderzoek betrokken."

Pues negoshinan di gobierno independiente tambe lo ser investiga. Prome Minister di Sint Maarten a protesta e investigacion aki y el'a



bisa cu e lo no coopera cu e investigacion mientras cu Gobierno Hulandes no motiva nan decision. Keto bay por mira un Hulanda fuerte contra e islanan. Algun aña pasa tabata contra Aruba, despues Curaçao, awor Sint Maarten, mientras tanto na Aruba tambe tin hopi caso dudoso cu ta muestra na corrupcion, pero maske cu Hulanda sa, Hulanda tin man poni ariba cabez di nos gobernantenan.

Remetido

FORMACION DI GOBIERNO TA BIRANDO UN "RATJETOE"

Pa desvia atencion riba e problemanan serio den e formacion di un gobierno nobo, un matutino comprometi ta purba ocasiona problema manera un "onnozele intrigant" den seno di MEP. E "achterlijke haas" aki, por cierto un bon amigo di "Zoef de Haas" (ta referi aki na e lider di e partido berde cu e mala maña pa core pa debate) no lo logra su meta. E "arme sul" aki no ta consciente di e fraternidad, colegialidad y positivismo enorme, cu ta reina den MEP. Pa ilustra un ke otro por referi na un articulo di sr. Endy Croes cu un bunita mensahe pa su coleganan di partido, demostrando asina un deportividad ehemplar. No por bisa esaki di e partido berde, unda entre otro intriga, envidia, arrogancia, desconfianza y revancha ta na ordo di dia. Ehempel di esaki ta e traicion bergonzoso ("Et tu, Brute?"), cu e propio lider di e partido berde mester a experiencia ultimo eleccion. Ta asina cu na ultimo eleccion e partido berde a logra haya 7 mil voto mas compara cu eleccion 2009. Ta increibel cu di e 7 mil voto aki e lider a haya un miserabel aumento di 200 voto, mientras cu otro candidato si a aumenta di voto barbaramente. E lider di e partido berde ta realiza awor, cu tin hopi "Brutus" den partido ta cana rond. No ta un puñal e lider di e partido berde a haya den lomba, pero un "spada". Ta logico cu e lider no ta mucho entusiasmo pa forma gobierno, pior awor cu e "MEGA DEBE" ta birando dia pa dia mas preocupante. Poco poco e lider di e partido berde a cuminsa realiza tambe cu e "team di experto" den su gabinete a resulta mas bien un "team di charlatan", pa no papia mes di su coleganan den Parlamento. Sigur no ta laat pa realiza cu ta hopi dificil mes pa traha cu "chupacabras". E lider di e partido berde mester demonstra caracter awor y laga un "zakenkabinet" tuma over te ora cu Aruba ta riba bon caminda atrobe y alavez bo ta deshaci di e probechadornan di partido. Esaki no ta un berguena; varios pais na Europa a instala un "zakenkabinet". Poco poco sr. Rudy Lampe ta bay haya razon?

R.C.

MEP hamas a yega di baha bao di 7 asiento!


Rene Herde ta lubida di splica pueblo cu AVP a yega di cay te na 1 asiento na 1976



esaki for di MEP na 163.1 miyon florin y den transcurso di e siguiente añanan nan a aumenta e deficit aki te cu un cifra record di 442.1 miyon florin na 2012. Pues casi un triplificacion den apenas 3 año di nan gobernacion!

MEP t'ey pa keda!

Na lugar di splica pueblo di e desaster financiero cu AVP a hinca nos pais aden y con ta soluciona e problema aki, Rene Herde a recurri na haci muchachada politico mustrando pueblo cual partido a baha y cual partido a subi den voto. Talvez Rene Herde ta hopi ingenuo riba e historia politico di Aruba, ya cu e no ta na altura cu su partido AVP na 1967 a haya 8413 voto (8 asiento), pero cu den e siguiente 4 eleccionnan a baha drasticamente den voto yegando na 1209 voto (1 asiento) na 1976 y pues casi a caba na nada. No ta nada straño cu den transcurso di añanan un partido politico por bay temporalmente atras den voto, pero den e caso di MEP nunca nos partido a yega di baha bao di 7 asiento, esta MEP semper a keda conta cu su nucleo solido. Hecho ta cu mirando e desaster y ruina financiero cu AVP a hinca nos pais aden y cu tin tur su consecucionan devastador den e otro sectornan di nos comunidad, partido MEP tin confianza cu pueblo lo bolbe haci un apelacion na nos partido y cu respaldo total di pueblo un biaha mas MEP lo sa di salba e dushi pais aki. MEP t'ey pa keda!.



STA. CRUZ -- Despues cu siman pasa e lider di fraccion di AVP, Rene Herde a presenta algun grafico na prensa, un y tur a kere cu lo ta trata di graficonan relaciona cu nos situacion financiero cu ta den un estado pesimo y doloroso. Sinembargo esaki no tabata asina, ya cu Rene Herde den su pensamiento mezquino a haya ta bon pa muestra mediante un grafico con partido MEP a bay atras den voto durante e ultimo 3 eleccionnan y con su partido AVP a bay dilanti. Sinembargo na ningun momento so Rene Herde no a muestra pueblo con partido AVP a logra gana su ultimo eleccionnan, cual ta basa grandemente riba manipulacion, mentira,

promesanan falso, shownan constante y tambe ayudá pa cierto sindicato, gremio y medionan local y pa no papia mes di e capitalnan miyonario hinca den campaña. Pais Aruba ta pasando momentonan dificil na man di partido AVP y lo tabata na su lugar pa Rene Herde presenta na pueblo e grafico den cual por mira con e deficit financiero a desaroya durante e ultimo 4 añanan. MEP kier yuda Rene Herde un poco door di presenta e grafico adunto, caminda por mira con su gobierno a aumenta e deficit aki drasticamente. Na momento cu AVP a drenta gobernacion na 2009, nan a haya

Speelschool Magic World

Day-Care

Nos meta ta pa ofrece un mihor cuido na mucha y prepara nan pa enfrenta kleuterschool sin miedo di un manera cu nan por tin resultado positivo.

Parti mainta nos ta tuma baby di 8 siman te cu mucha di 4 año. Y parti atardi mucha te cu 10 año.

Situa na Sabana Grandi 9D
Telefon: 585-4787 of 733-0927

Midimento di forza interno den AVP

Otmar a crece cu 143% mientras Mike Eman cu solamente 1.9%

STA. CRUZ -- For di fuentenan hopi yega na partido AVP a ricibi e siguiente informacion. No sa si esaki ta pa pone presion un riba e otro of ta pa midimento di forza interno den e partido. Fuentenan ta divulga cu sr. Mike Eman ta sufriendo un quebrante di salud y si ta asina mester desea su persona un pronto recuperacion. Mientrastanto e fuente ta sigui divulga cu Eman ta down y kibra internamente den tur su esfuerzo door di e resultado personal pero locual a dal e mas duro ta e hecho cu Otmari a crece substancialmente mucho pero mucho mas cu su persona. Otmari a bay dilanti di 1647 votos na 2009 pa 4008 voto na 2013. Un aumento di 2361 votos cu ta representa un adelanto di 143%. Mike Eman sinembargo a crece di 8068 voto na 2009 pa 8222 voto na 2013 y ta representa un aumento di apenas 154 voto, esta 1.9 %. Esaki muy probablemente tini'e hopi malo. No obstante cu comerciantenan amigo, segun cifranan informal a inyecta 10 milyon dollar den campaña di AVP, esaki sigur no a refleha den e resultado sigur no - personal di Mike. Tambe fuente ta divulgando cu Mike Eman siendo malo, tin 3 dia ta purba comunica cu Otmari pero Otmari su conseheronan a consehe pa mientras tanto NO contesta yamada di lider di AVP y asina pone un poco mas bao di presion. Locual no por a saca afor di e fuente aki, si ta presion Otmari y su grupo kier pone riba Mike of ta un midimento di forza interno tin. Otmari ya caba desde 28 di September a reclama cu tur su derecho e puesto di vice - promer minister di pais Aruba. E puesto aki tabata di Mike de Meza y Gario di San Nicolas te

cu dia 27 di September. Nos por corda e pelea na St. Maartenstraat Basketball Court entre Mike De Meza, Gario y hendenan di Otmari. Segun por comprende di

Otmari y su staff cu awor ta "payback time" y ni un stap atras y puesto di Vice- Premier di Aruba tambe lo keda pabao di brug e biaha aki y lo bay ta na Paradera.

Probablemente pesey ya caba a verf e cas di partido na Paradera di Otmari color blanco pa refleha atmosfera di "White House". Wel, pueblo lo sinta waak y


duna tempo pa mira con lo resolve problemanan severo interno cu AVP tin. Un cos ta sigur, segun e fuente, cu e cos aki tin Mike Eman malo y down.



THE NEW MINI COUPE.

A rocket-fuelled go-kart, built for the kind of adventures people write stories about. Are you in? Get to know more about the Coupe, drop by at Ultimate Automobiles.

 **ULTIMATE**
AUTOMOBILES

Sabana Blanco 35
Tel: 583-9800 | Fax: 583-9660
info@ultimatearucar |  miniaruba

Carta a sali pa confederacionnan
internacional

Chu Halabi den number di Sub Commissie ta firma un carta pa kibra softball den desaroyo

STA. CRUZ -- Aruba Softball Bond a tene un conferencia di prensa siman pasa diahuebs pa duna un splicacion relaciona cu e situacion di softball y tambe a anuncia alavez cu a pone un "paro" na campeonato andando y campeonato femenino cu mester inicia. Comision di Atletanan preocupa ta sumamente indigna riba e desaroyo aki. Mesora nan a acerca ASB pa pone nan mes na altura di tur detaye. Tur esaki a inicia momento cu seleccion femenino a viaha pa Colombia 23 di Juli 2013 pa competi den un campeonato mundial despues cu nan a gana medaya di "ORO" na Bahamas na Januari 2013. Subsidie Commissie enberdad a apoya seleccion femenino pero como cu den e apoyo aki subsidie No a duna ni uniform ni T-shirts pa seleccionadonan por usa como equipo na Colombia. Un comision di propio hungadornan a acerca algun sponsor. Aki nan a ricibi (1) T-shirt di Red Spot Lottery cu nan number ariba cual nan a usa solamente e dia cu nan a viaha di Aruba pa Colombia y ademas ariba esaki nan a usa un jacket di un trainings-pak di Lotto pa Deporte. Tambe mesun comision di hungador a cana den comercio y busca sponsor pa recuerdonan di intercambio entre paisnan. Na Colombia Aruba a desfila dilanti 42 mil fanatico y tambe miyones di televidente den e trainingspak cual nan a ricibi di Lotto pa Deporte. E cuestion di Chu Halabi y esnan cu kizas a sostene e acto discriminatorio aki y atentado directo contra atleta ta manerapikimento

di un pieu riba lomba di un BACA y esaki Chu Halabi a usa pa castiga deporte di softball. Comision di Atletanan a wordo splica te den detayes y a mira dos email unda ASB a pidi Subsidie Commissie pa sinta na mesa pero a wordo nenga categoricamente. Locual no a cay den bon tera cerca mas di 700 atleta miembro di ASB e manera sarcastico cu Chu Halabi ta splica den e carta cu e entrenador internacional, kende ta su amigo di cas, ta keda cobra Afl.4000 pa luna, sinta na cas sin traha. Mientras no tin Afl. 3000 pa 700 atletanan por termina nan campeonato. Pues tin Afl. 24 mil den 6 luna pa paga un entrenador sinta na cas y net nada nada pa atletanan. Esaki ta un decision discriminatorio. Atletanan a cuminsa colecta firma y por a comprende cu tin mas di 200 firma caba den e promer 2 dianan y di e manera aki nan lo pidi pa papia directamente cu minister. Comision di Atletanan no ta kere cu minister por sostene un decision discriminatorio y sin sentido di e manera aki y tin fe cu minister lo intermedia pa corigir un acto criminal contra deportistanan. Gobiernonan rond mundo ta inverti den deporte pa asina kita hubentud di caya y crea disciplina den hubentud por medio di deporte. Comision di Atletanan a comprende cu ASB a manda carta internacional pa busca sosten y asina pidi minister pa intermedia. Aki na Aruba un loco kier dicta y kibra un deporte cu ta den pleno desaroyo. Comision di Atletanan ta termina bisando. "Wanta e loco ey"....

Sr. Guillfred Besaril, candidato riba lista di MEP, ta gradici

"Pueblo di Aruba, masha danki di curazon na tur cu a duna MEP muy en especial mi persona nan voto di confianza. Mi ta haci uso di e oportunidad aki pa gradici primeramente Nos Tata Celestial, cu a protege y guia mi durante e campaña electoral 2013, na lider di Partido cu a deposita su confianza den mi candidatura y mi famia pa nan sosten den mi decision pa drenta arena politico. Mi no tin palabra pa gradici tur esnan cu a contribui atraves di "Team BES" na e campaña 2013. Na cada uno, masha danki pa e cariño, dedicacion y confianza incondicional den mi persona. Mi punto di salida principal durante e campaña



2013 tabata di contribui na re-establece e ordo y seguridad riba nos Isla cu tanto e Pueblo ta sclamando p'e. Claramente sin perde di bista e ser humano tanto den su desaroyo laboral como social. Gracias na e 833 votonan di confianza

ricibi, mi por mira atras cu satisfaccion cu mi mensahe a haya e atencion debido den nos comunidad. E hecho aki ta yena mi persona como politico hoben, no solamente di alegria, pero alavez di animo, confianza y determinacion pa cumpli cu e tarea politico cu Dios a pone mi dilanti. Mi kier a termina e segmento cu un gradicimento special na e Bario di Savaneta y vecindario pa e cariño y aceptacion demostra pa cu mi candidatura riba lista di MEP:

"Awor e ta Trabao mes ta bay Cuminsa y mi ta hiba boso den mi Curazon, Masha Danki!"

DIALUNA, 7 OCTOBER 2013

9AM—4PM

WAREHOUSE SALE

NA PRIJS SUPER SPECIAL

*Hopi producto marca: GOYA

*Surtido Grandi di Cosmetics

*Producto di Higiene Femenino

*Mangel y hopi mas



El Louvre Witec®

Arendstraat 111, Eagle, Aruba

3 Pallet di sticker di AVP tira afor

Miles di Stickers di Mike # 1 ta di nos!! tira afor na dump Gabilan na Calabas



sticker y pesey mester a tira 3 pallet cu mas di 18 mil sticker afor. Locual ta di lamenta cu tin miles di hogar sin awa of sin coriente y tambe miles di hende cu no por cumpra comestibles cu frigidaire bon bashi door cu tur cos a bira super caro pero Mike si tin miyones pa tira na dump. Hopi criatura por a come cu e placa aki si envez di malgasta tanto



placa na sticker, por a duna mama- y tatanan di famia cu ta pasa mester. Dinastia di Mike Eman poco poco pero sigur yegando su final. Esaki ta prueba cu pueblo a cuminsa rechaza Mike Eman y ta confirma cu el'a crece cu solamente 154 voto, esta 1.9% den comparacion cu 2009. Pueblo merece mihor!!!!



STA. CRUZ -- Manera parada di victoria a pasa diadomingo 29 di September por a tuma nota cu AVP no a perde pa gana y a tira 3 pallet di stickers, mayoria di Mike # 1 ta di nos!! na dump Gabilan na Calabas. Momento cu reporteronan a yega na sitio ya caba bulldozer tabata pusha mayoria di esakinan pa deranan y deshaci di nan. Esaki sigur ta un indicador cu ta reflega cu Mike a prepara pa kibra record di Betico Croes den voto y a inverti por medio di su sponsornan di campaña miyones pa purba alcanza su obhetivo. Notable ta cu Mike no a logra su meta. Prueba por mira mediante potretnan saca na e sitio, e cantidad di stickernan cu a wordo tira afor na dump. Potretnan ta prueba cu hopi hende No a pone sticker di Mike riba nan auto. Tabata tin sticker, segun a comprende pa 20 mil auto pero segun calculo 1000 auto a pone nan

MEGA GOES CRAZY

2013 CAR SALE EVENT

CRAZY REDUCED INTEREST

BUY NOW
PAY AFTER 4 MONTHS

REDUCED CAR PRICES

3 CRAZY RAFFLES

DIADOMINGO 20 DI OCTOBER 2013
10.00AM - 2.00PM
ARUBA BANK - CAMACURI

- KIDS CORNER
- ENTERTAINMENT BY DJ 101
- TUR CAR Y MOTORCYCLE DEALER LO TA PRESENTE

Aruba Bank Deals:

- Interes reduci
- Cuminsa paga fin di maart, 2014
- Termina di pago te 6 aña
- Descuento special di seguro

3 Crazy Raffles:

- Bon di gasoline AWG 2500,-
- Aruba Bank ta cubri 1 aña di bo seguro*
- GPS Car Alarm System

scan
and apply
online!



Arubabank®
understands

Tur cliente existente y nobo di Aruba Bank por participa na e campaña cu ta cuminsa 4 di october, 2013 y ta termina 20 di october, 2013. Aruba Bank ta reserva e derecho pa extende, abrevia of termina e campaña na cualkier momento. Den tal caso, lo duna notificacion den medianan di comunicacion: corantnan, television, radio y website. Interes efectivo ta varia entre 8.88% - 8.92%. Pa un prestamo di auto ta rekeri un seguro All-Risk pa un periodo di no menos cu 3 aña. Un "balance protection fee" di 4.5% ta aplicabel riba e prestamo. Na momento di acorda e prestamo, condicionnan menciona den Aruba Bank su documento oficial di Condicionnan General ta na vigor. Pago adelanta no ta permiti. Den caso cu haci pago adelanta riba un prestamo, banco lo impone un boet di 3% riba e saldo habri cu un minimo di AWG.500,-. Adicionalmente, den tal caso, banco lo recalcula interes na e tarifa efectivo di 15.27% for di comienso di e prestamo. *Aruba Bank ta cubri bo seguro te cu un maximo di AWG. 2500,-.

Generator ta causa problema di zonido pa bisiña

STA. CRUZ -- Central ta manda Polis diabierna 1.50 den Curiestraat unda e habitantenan ta haya problema cu zonido duro. Yegando na e sitio Polis a constata cu esey ta e caso, pero no por a saca for , di cual cas e zonido ta sali, pero ta sali for di un di e casnan . Polis a haci uso di e alarma di nan auto, pero ningun hende a sali pa atende nan. E persona cu a yama a bisa polisnan cu e ta biba den vecindario y cu tres siman pasa e'a haya problema cu su bisiña D.P. y nan a papia di e situacion, pero e zonido ta bira insoportabel. Su bisiña tur dia ta cende e generator mas o menos 21.00 te den oranan di mainta. Polis a bisa e informante pa yama Polis, ora e bisiña bin cas bek. Si e problema sigui y e bisiña no tuma medida, pa resolve e problema, nan por acudi na Polisnan di Bario, mirando cu e cas no tin coriente tampoco.

Homber a haya su placa bek

STA. CRUZ -- Asistencia di Polis a wordopidi diasabra 19.20, na Komi Supermarket pa un intermediacion. Polis a papia cu e homber G. y e doño di e lugar. G. a bisa cu ora cu el'a saca su celular for di su saco, su placa a cay abao. Ora cu el'a ripara esey, el'a pone e doño na haltura, kende a lague'e mira e video. E doño a reconoce e muher y casualmente net na e ora ey, un famia di e muher a bin na e sitio. El' a bay na e cas pa busca e placa y a entregu'e na e homber G.

Dos Colombiano ilegal deteni

STA. CRUZ -- Polisnan durante patruya diasabra 10.10 na Paradera, ta para e chofer di un KIA blanco K2700 cu e number A- 55482 pa controla papelnan di number, cu a resulta di ta bon. Ora cu e mester a mostra su rijbewijs, a resulta cu e ta rijbewijs Colombiano ilegal. Tanto e chofer como e pasahero no por a duna papelnan valido di identificacion of papel di permiso di estadia. Tur dos a keda deteni y hiba warda pa entrega na Departamento di Warda Nos Costa pa sigui cu e investigacion. Despues di investigacion a resulta cu e dos personanan aki nan papelnan no ta na ordo. Nan a keda entrega na Warda Nos Costa. Ta trata di e chauffeur W.R.A naci na Colombia di 47 aña y E.G.B. naci na Colombia di 43 aña.

Haya mas, haci mas, goza mas e Pasco aki cu RBC!



Aplica pa bo Prestamo Personal e Pasco aki y ricibi mucho mas cu RBC!

Awo cu interes reduci entre 10.5% cu 16.5% APR cu pagonan mensual mucho mas abou!

Ademas bo ta haya chens pa gana placa CASH mensualmente. Mas trempa bo aplica pa bo prestamo, mas chens bo tin di gana un di e premianan!

Aplica tambe pa bo tarheta di credito y ricibi automaticamente un "RBC Travel Bag" regalo.

Pa mas informacion pasa libremente na un di nos branchnan of yama nos RBC Service Line na 588.01.01 of bishita nos website www.rbc.com/caribbean

E interes efectivo di prestamo personal ta varia entre 10.5% cu 16.5% APR pa. I Gestonan di administracion ta equivalente na 1.50% di e balor di e prestamo cu un minimo di AFL 2501 Risk Premium pa un solo aplicante ta equivalente na 2% di e balor di prestamo y 3% den caso di dos aplicante cu un minimo di AFL 1001. Den caso di cancelacion mester notifica RBC Royal Bank (Aruba) NV, por esortu un minimo di 3 luna adelanta, sino tin cu paga un boet di 3 luna di interes adicional riba e balansa di prestamo. Solamente clientenan aproba bou di e promocion aki ta haya chens pa gana e premianan mensual di AFL 1500 plus e chens pa gana e premio grandi di AFL 25001. Empleadonan di RBC Royal Bank y su advertising Agency no por forma parti di e sorteo aki. RBC Royal Bank (Aruba) NV ta reserva su derecho di aprobacion. Condicionnan general lo keda aplicabel. E oferta aki ta valido te dia 31 di december, 2013.

©/TM Trademark(s) of Royal Bank of Canada. Used under licence.



RBC Royal Bank

Modanza a haya hopi bishita di ladron

STA. CRUZ -- Presencia di Polis a ser pidi diabierna 12.15 na un cas den Purun na Modanza pa un kiebri. E muher R. a bisa cu mas o menos 11.45, el' a yega cas y a haya e bentana y porta di cushina habri. El' a bay controla den su kamber y a mira cu nan a ristra den su cashinan. Desconocirnan a bay cu un television plasma di e marca Toshiba, un Nintendo color preto y 1700 florin for di e cas. Polis a tuma e keho.

Hyundai Getz horta, haya na Santa Cruz

STA. CRUZ -- Central a manda Polisnan di Santa Cruz diabierna 20.10 den vecindario di EPB na unda desconocirnan a laga un auto atras cu ta supuestamente di ladronia. Polis a topa banda di Cunucu Villas Apartments, un Hyundai blanco Getz, A-46919. Polisnan a mira cu e dos bentana chikito patras tabata kibra y e contacto di yabi tambe. Takelwagen a hiba e auto warda di Santa Cruz.

Hoben menaza cu morto

STA. CRUZ -- Central a manda Patruxa diasabra 3.35 na Occidental hotel unda un mucha homber desconoci a drenta den e hotel ta grita. El' a bisa e guardianan cu un grupo di persona a menaz'e cu morto, como cu e sa un secreto di nan. Despues el' a core bay riba strand y a disparce. Polisnan a busca riba strand pero no a topa cun'e. E tabata bisti cu un T-shirt di CocaCola, cu jeans blauw y ta color cla.

Desconoci a maltrata hoben cu boter

STA. CRUZ -- Asistencia di Polis a wordo pidi diasabra 12.10 na e parkinglot di Café Rembrandt pa un maltrato. Eynan e homber R.W. naci na Aruba di 17 aña, a bisa Polisnan cu el' a wordo maltrata riba e parkinglot di Señor Froggs cu un botter. R.W. a bisa cu un homber desconoci a push'e y a bis'e pa haci algo. R.W. a nenga cu el' a haci e homber algo. Di ripiente el' a wordo maltrata y gedal cu un boter, pero no por bisa di unda e botter a bini. Segun e Polis por a mira e tabatin su cachete hincha y tambe un corta. Tambe e tabatin un hincha na su pecho y un corta. Ambulance a bin na e sitio y a dun'e e ayudo necesario y despues a bisa R.W. pa e bay poli pa sigui cu tratamento. Polisnan a hib'e na su auto, como cu e ta pensa cu ainda tin e hendenan desconoci ta eynan, pero a resulta cu no ta asina. E no kier duna keho.

Pa por sirbibo miho

Nos ta den proceso di actualisa nos sistema di data.



Ta hopi importante pa nos tin bo informacionnan corecto.
Elmar tin un formulario special pa yena bo datonan.

E formulario ta obtenibel na tur nos sucursalnan y tambe riba nos website www.elmar.aw.*

Pa mas informacion por yama Customer Service na 523-7100. Nos ta conta cu bo cooperacion di semper.

*Por favor entrega e formulario yena na nos sucursalnan of via customerservice@elmar.aw. Lo trata tur informacion den forma confidencial y lo no uz'e pa nada otro di locual ta indica riba e formulario.

www.elmar.aw



LIDER DI MEP DURANTE PROGRAMA RADIAL 'INTERES DI PUEBLO'

ELOGIO GRANDI PA CADA CANDIDATO DI MEP, DEMOSTRANDO ASINA UN HUMILDAD GRANDI




STA. CRUZ -- Mr. Evelyn Wever-Croes, lider di MEP tabata diasabra ultimo invitado den e programa di Nilo Croes na Top FM, Interes di Pueblo. Durante e programa aki e lider di MEP a duna su analisis riba e ultimo eleccion y dunando un aliento na tur esnan cu tabata sigui e programa. Sra. Evelyn a pasa un pa un riba e logronan di cada candidato den nan barío y general riba Aruba, y a duna elogio na cada un di nan, resaltando nan cualidades excepcional. Tambe nan campañadornan y nan famia cu a sostene nan asina hopi. Lider di MEP a demostra su humildad na momento cu un pa un el'a elogia su candidatonan. Ademá Evelyn a duna tur hende speranza atrobe, un speranza cu varios persona

a perde despues di resultado di eleccion un siman prome. "Berdad e resultado no ta locual cu nos a spera cu e lo ta, pero toch nos ta satisfecho cu e resultado. Voz di pueblo ta voz di Dios y nos ta respeta esaki. Cu e resultado aki di eleccion pueblo a papia palabra cla: AVP mes mester bay soluciona e problemanan cu el'a ocasiona. Y nos lo sigui vigila esaki. Un danki di curazon na tur cu si a pone nan confianza den nos, nos lo no defraudabo. Nos lo sigui cu tur nos esfuerzonan pa habri e refinaria bek, pa baha bo prijs di awa y coriente y pa elimina e belasting riba pensioen di viehez, pasobra nos ta convenci cu Aruba merece mihor", tabata palabranan di lider di MEP, mr. Evelyn Wever-Croes

Cas na Primavera a haya bishita di ladron

STA. CRUZ -- Asistencia di Polis a ser pidi diabierna pa 13.05 na un cas na Primavera pa un ladroncia. E muher H. a bisa cu mainta pa 10.30 el'a sali di su cas y a lague na yabi y mas o menos 12.45 ora cu el'a bolbe, el'a mira cu ladronnan a kibra drenta den su cas. Polis a tuma e keho.



Oranjestad Aruba,

Boso fiel sirbidor, Dangui Oduber, Candidato nr 6 di MEP: Gradicimento na tur di MEP pa e sosten y confianza



Permitimi mediante e medio di comunicacion aki dirigi mi mes na e pueblo di Aruba. Na promer lugar mi kier a gradici tur esnan cu a deposita nan confianza den nos partido Movimiento Electoral di Pueblo (MEP). Tambe mi kier a gradici for di fondo di mi curazon e 1749 votadornan cu a deposita nan confianza den mi persona. Un danki na cada un di e famianan cu a habri porta di nan cas pami y lagami sinti na a cas pa asina scucha nan inquietud- y preocupacionnan. Den e tempo corto cu mi tabata tin pa campaña, mi a haci tur esfuerzo pa cumpli cu tur e peticionnan di bishita y yega cerca di boso. Pueblo completo di Aruba porta s sigur cu mi persona lo bay hiba un oposicion di nivel den Parlamento pa defende Aruba su interesnan. Na mi señora esposa y yiunan, danki pa e comprension y tambe pa semper ta para cla pa apoyami. Na mi mayornan, demas famianan, amigonan y e

tremendo Team D#6 cu a traha incansablemente, voluntariamente y exitosamente den e 68 dianan cu nos a campaña. Mi a logra esaki den apenas 68 dia a di campaña cual pami ta un logro grandi. Entrega di lista cual tabata 9 Augustus 2013 mi a wordo lanza oficialmente como politico y mi a logra haya sosten di un cantidad grandi di persona. Esaki ta yenami cu orguyo y satisfaccion y ta mi motivacion pa sigui traha duro pa hiba nos pais Aruba dilanti. Un danki ta bay na boso tur pa e contribucion y aporte na nos logro, esey ta un muestra cu trahando hunto, nos ta logra nos metanan y asina nos lo sigui traha pa un mihor Aruba, pasobra Aruba merece mihor. Mi tey pa sirbi e pueblo di Aruba y y semper disponibel pa boso, mi portanan semper lo ta habri pa boso tur.

Un biaha mas, DANKI MEP, Danki Aruba!!

Ladron ta drumi bou stul pa pisca tas di turista

STA. CRUZ -- Asistencia di Polis a wordo pidi diasabra 01.55, na Raddison Hotel, naunda un ladron a horta un ta di turista. Na e sitio Polis a papia cu e muhe A, naci na Hulanda di 22 aña, kende a duna keho di ladronisia. E ta bisa polisnan cu e tabata na strand cu su amigo y e tabata drumi riba un stul di strand. E ta bisa cu su tas tabata habri y poni banda di e stul. Di repente el a mira su tas ta move y a bay bou di e stul. Despues el a mira un homber color scur cu cabey scur, bisti cu un T-shirt blauw y short, bula Sali di bou di e stul y a core bay direccion panort. E ta bisa cu supuestamente a homber tabata drumi bou di e stul.

Polis ta cera y duna boet na negoshinan cu a pasa nan ora di ciere

STA. CRUZ -- Polisnan di Oranjestad hunto cu Hefe di Departamento diabierna pa 3.00 a bay na lugarnan comercial pa controla ora di ciere. Ora cu nan a yega na e cruzada Flaciusstraat y Weststraat Polisnan a tende musica duro sali for di e lugar Moonshine. Paden tabata tin 14 persona. E lugar mester cera pa 1.00 segun su permiso. Procesverbaal a wordo traha. Silver Palace tambe a wordo controla y nan a haye habri. Paden tabata tin 8 persona y aki tambe doño a haya boet, como cu e mester a cera pa 1.00, segun su permiso. "Club 201" tambe tabata habri, ora cu polisnan a controla, tabata tin 23 persona paden. Hotel Victoria, conoci como La Fayette, tambe tabata tin 22 persona den e lugar, mientras cu e mester tabata cera 1.00. No ta prome biaha cu e lugarnan aki ta keda habri despues di e ora cu ta stipula den nan permiso. Tur a haya boet.

Conocido V. bao influencia a causa destruccion na bus

STA. CRUZ -- Central a manda Polis diasabra 19.20 na Mabon pa un destruccion di un bentana di bus. E chauffeur a bisa cu e tabata coriendo trankil ora cu diripiente un muher a bay para mey mey di caminda. El' a brake y poco poco el'a bay para banda di e muher, cu e momento ey a coy un piedra grandi y a kibra un bentana di e bus. E chauffeur a yama polis mesora. E muher cu a' resulta di ta e conocido di polis V. a bisa cu e kier mira cual polis ta bin detene. E tabata basta burachi y fastioso. El' a haya un cuarto grati



Staten van Aruba

Openbare vergadering op 7 oktober 2013 om 10:00 uur v.m. In de vergaderzaal van de Staten van Aruba

Te behandelen onderwerp

Agenda:

Ontwerp-landsverordening houdende de wijziging van de Sanctieverordening 2006 (AB 2007 no. 24) (uitbreiding mogelijkheid toepassing sanctiebesluiten en verbetering aanwijzing toezichthouders) (ZJ 2012-2013-776).

De griffier,
Mr. J.A. Sherman

Na Indian Rock Garden:

A NIGHT OF MEMORIES

Dia 2 di November

STA. CRUZ -- Diasabra dia 2 di November proximo ta bay tin cu tremendo Back to the 60's and 70's Party den Indian Rock Garden. Indian Rock Garden a wordo full renoba y ta conta awor cu un pista di baile hopi mas grandi cu antes. E fiesta lo ta bay ta di 8'or di anochi pa 3'or di madrugada y ta conta cu animacion Musical di e bandanan specializa den musica di e epocanan ey cu ta, "The Tramps" y "Reflexion Band" y lo

bay tin actuacion hopi especial tambe di "un banda sorpresa" y mirando cu ta den Indian Rock Garden e fiesta lo tuma lugar, lo bo por idea ta ken e banda ey lo bay ta. Entrada lo ta \$20,00 pa persona y prijs di drinks y snacks lo bay ta super razonabel. Bandia 2 di November los nos pianan y ban back den e tremendo epoca na unda nos tabata baila y goza den Indian Rock Garden, Indian Cave of e cueba.....

Ticketnan ta obtenibel solamente via bestelling, y na pre-sale so y ta sumamente limita, via e siguiente telefon nan: 592-6460, 593-4631 y 593-1310. Lo tin free delivery. Bestel bo ticketnan na tempo pa bo no perde e tremendo fiesta aki, pasobra despues op = op. Dus reserva diasabra dia 2 di November proximo y corda yama di biaha y bestel bo entrance ticket.



BIRA MIEMBRO DI BOTICA DI SERVICIO

Den luna di october AZV ta ofrece bo e posibilidad pa cambia botica. Tuma e oportunidad aki pa inscribi na e botica cu tin bo salud na prome lugar.

Nos beneficianan:

- 10% rebaho riba remedi y mayoria di articulonan boticario.
- Control sofisticada riba combinacion y dosis di remedi.
- Como miembro di 1 di nos 4 boticanan, bo por entrega bo receta na cualkier di e 4 boticanan y busca bo remedi na cualkier di nos 4 boticanan tambe.
- Desde juli 2013 Botica di Servicio a bira propiedad di mas cu 10,000 Arubano. Bay riba Facebook.com/10000+arubans y haya sa si abo ta un di nan.

Nos ta habri di 8.00 am - 8.00 pm 6 dia pa siman

Formulario di cambio ta obtenible na tur nos boticanan y riba nos Facebook Page (www.facebook.com/servicepharmacyaruba).



Eagle: 587-9011
(cerca di hospital)

Maria: 585-8145
(Santa Cruz)

E-mail: info@boticadiservicio.com

Noord: 586-4606
(dilatante Giselle)

Seroe Preto: 584-4833
(San Nicolas)

Ladronnan a laga auto na Sabanilla Abao

STA. CRUZ -- Presencia di Polis a ser pidi diabierna pa 9.33 na haltura di Donkey Sanctuary na unda ladronnan a laga un Hyundai Getz blanco sin number atras. Tur dos di e bentananan chikito tabata destrui. Takelwagen a hiba e auto warda di Polis. E auto tin un logo di Pro Tec. Central a wordo poni na haltura.

Habitante drumi den cas y ladron kier horta

STA. CRUZ -- Presencia di Polis a ser pidi diabierna 9.44 na un cas na Cura Cabai pa un kiebro. Na e sitio Polis a mira cu ladronnan a kibra bentana y drenta den e cas. E doño a lanta afor di soño y a topa cu e dos sospechosonan ainda paden. El'a core nan tras, pero sin resultado. Polis a tuma su keho.

Durante vakantie ladronnan a drenta den cas

STA. CRUZ -- Presencia di Polis a ser pidi diabierna pa 9.55 na un cas na Gasparito pa un kiebro y ladronia. Na e sitio e muher E. a bisa cu un persona a drenta den su cas y e ta sospecha kende a haci'e pero no por comproba. Polis a bis'e cu sin testigo of prueba, e no por mostra un hende como sospechoso. El'a bisa cu dia 27 di September, el a bay Sint Maarten y a bolbe dia 29 di September. Segun su declaracion, prome cu el'a bay ainda el'a mira su cosnan den e cas. Diabierna el a bay controla den e lachinan di cashi pa saca un caha cora di placa y a mira cu e caha no tabata na e sitio. Despues cu el'a constata ora cu el'a bin cas bek, el'a haya e lachi tur bruha. El'a bisa cu ladronnan a bay cu dos holoshi. Den cushina nan a bay cu 12 bleki di gofast y for di e garashi nan a bay cu un caha cu 24 botter di cerbez Presidente. Ladronnan a drenta door di e bentana di baño, cu no ta cera na yabi. Polis a tuma e keho.

MADURO HEAVY EQUIPMENT N.V.

**Santo pa Basha, Santo pa Pleister,
Crushed Sand, Piedra, Tera pa**

**Mata, Graniet. Tambe nos ta Rosa
Tereno, Caba Pos y Fundeshi.**

ROOI BOSAL 49

TEL.: 585-1708

FAX.: 585-6299



Drs. Booshi Wever - Lider UPP:

ESFUERZO DI DIRECTOR FINANCIERO DI HOH PA TRATA NA HUSTIFICA PROBABEL ESCOGENCIA PA ARRELLANO

AMIGUISIMO DI BERMELLO, PA PROYECTO DI EXPANSION/ RENOVACION, TA

OTRO INDICACION DI PROBABEL MANIPULACION Y CORUPCION



STA. CRUZ -- Declaracionnan den medionan di prensa di director financiero di Hospital, sr. de Kool, riba e desaroyo den e otorgamento di e proyecto di expansion y renovacion di hospital, unvez mas ta fortificami den mi conviccion cu manipulacion, corrupcion y posiblemente fraude, ta tumando lugar den dicho proyecto. Ya na diferente ocasion mi a mostra riba tur e asuntonan cu ta hole e bagamunderianan aki, y awor sr. de Kool ta fortifica mi sospecho! Ta bisto cu sr. de Kool ta laga su persona wordo usa door di Bermello pa purba hustifica e corrupcion di dia cla den e proyecto aki; sr. De Kool ta papia di condicionnan (nobo) y ta bisa cu no mester compara "apples & oranges". Pa loke ta

trata e condicionnan, esakinan ta parti di e mapa y e bestek cu e arquitecto a traha, y ta a base di esakinan e proyecto mester ser ehecuta. Ta inacceptabel pa crea awor condicionnan nobo of ta hasi como si fuera cu e condicionnan no ta conoci, meramente pa acomoda e compania mericano Arrellano, pues pa hustifica e escohencia di e amigonan aki di Bermello. Pa loke ta trata e comparacion di "apples & oranges", e bestek ta mostra cla cu ta trata di un proyecto di concreto y hero, y nada di "apples & oranges". Mientras cu e oferta di Arrellano, incluso un "onvoorzien" (= meerwerk) di 5%, a yega na e suma di 250mijon florin, e oferta di e compania Frances Bouyguez tabata pa

un suma di maximal 200 mijon florin, cu garantia cu lo NO tin meerwerk. Bouyguez a bay mas leu ainda y a declara cu e prijs lo por baha mas ainda, si e wordo permiti pa e mes traha e design, mapa y bestek nobo. E pregunta ta si sr. De Kool sa esaki??? En todo caso, tur cos ta mostra cu ta Arrellano, amigo di Bermello, lo haya e proyecto pa e suma di 250 mijon florin, cu sinembargo ainda NO ta inclui e ganashi of comision di Bermello; na final di cuenta Pais Aruba lo wordo endeuda cu e balente suma di alrededor di 1.000.000.000,= (1bion) florin, y esaki lo tin como consecuencia cu e cuidio medico lo no por mehora, pasobra lo no tin bastante fondo pa paga e staff medico y e demas personal, ni tampoco lo tin placa pa cumpra equiponan nobo. E hecho cu SOGA lo ta bay pagando e suma di 30mijon na huur, na lugar di e actual 1mijon, solamente ta empeora e asunto! Tur cos ta mostra cu e compania Arrellano lo haya e proyecto; ora esaki di berdad resulta di ta e caso, e corrupcion a ser proba; pio ta cu den e corrupcion aki tin Arubiano cu a coopera; cada un di e Arubianonan aki individualmente lo mester responde pa eventual consecuencia di e endeudamento astronomico, y sigur e consecuencia pa nos cuidio medico.

**RBC Royal Bank**

Un carta abierto na nos apreciable clientenan

Na number di management y personal di RBC Royal Bank, mi ta desea di expresa nos mas sincero palabranan di gratitud pa e confiansa cu bo a duna nos awe y e ultimo 60 aña di nos operacionnan na Aruba.

Recientemente tawatin algun speculacion tocante nos operacionnan y nos compromiso pa cu abo nos cliente y nos comunidad. Relaciona cu esaki nos ta dirigi nos mes directo na bo persona.

Nos ta keda cu nos compromiso na abo como nos cliente aprecia y lo sigui sostene e crecimiento y desaroyo di RBC Royal Bank na Aruba. Atraves di inversionnan continuo den nos operacionnan, nos empleadonan y comunidad, nos ta tumando e pasonan necesario pa sigura cu nos negoshi ta sigui ta uno fuerte, cu lo sigui crece den futuro.

Como un instituto financiero responsable, continuamente nos ta sigui revisa nos operacionnan basa riba e dinamica actual di mercado y di mundo di negoshi, y lo sigui hasi e ahustacionnan necesario cu ta permiti nos sirbi nos clientenan miho, pa crece den region y sigui mehora nos prestacion.

Como un di e banconan capitalisa mas grandi di mundo, nos ta trece forza y estabilidad, servicio y productonan competitivo na bo persona pa medio di empleadonan hopi capacita cu ta compromete y tin bo necesidadnan financiero na prome luga.

Nos por sigurabo cu nos ta comprometi na gana e derecho di ta Bo Banco di Escogencia y alabes un dunado di trabou di escogencia, segun nos ta hasi uzo di e forza y estabilidad di nos compania madre na beneficio di nos clientenan y e comunidadnan unda nos ta opera.

Nos ta gradici bo pa bo lealtad continuo y e confiansa di hasi negoshi cu nos.

Suresh Sookoo
CEO, RBC Financial (Caribbean)

Muher a horta turista Mericano den casino y a core bay

STA. CRUZ -- Polis di Noord durante patruya diabierna 9.00 na altura di Marriott Aruba Resort Polis a papia cu un guardia, cu ta bisanan cu un muher color bruin, bisti cu un blusa crème y saya preto cortico, a kita 85 dollar for di un turista Mericano den casino y despues a core bay direccion pariba direccion di Saliña Cerca. Polisnan a controla den vecindario, pero no a topa cune. Tambe Polis a papia cu e manager di e Stelarris Casino, pero e no kier duna keho, como cu ya nan a paga e cliente su placa.

Fantasia Florist



For Beautiful Flowers

Fantasia Flowershop situa na Middenweg 10

Tel: 583-2108 / 660-5363

Ta traha tur areglo di flor y decorashon pa fiesta manera, Matrimonio, cumpleaños, aniversario y hopi mas.

Na Fantia Flowershop nos tin e areglo ideal pa e persona special.




Relaciona cu Bicentenario Natalicio Guiseppe Verdi:

FUNDARTE lo presenta "UN ANOCHI DI OPERA dedica na VERDI"

Diasabra 19 di Oktober pa 8'or di anochi den Cas di Cultura

STA. CRUZ -- Un di e compositornan mas grandi den e genero di opera, tabata e Italiano Guiseppe Verdi. Verdi a compone un gran cantidad di opera, cu te dia di awe ta ser presenta tur aña den e salanan di opera mas famoso na mundo. Entre su operanan mas grandi por menciona entre otro: Aida, Otello, Nabucco, Ernani, Macbeth, Luisa Miller, Rigoletto, Il Trovatore, La Traviata, Un Ballo in Maschera, La Forza del Destino y hopi mas.

Guiseppe Verdi a nace dia 10 di Oktober 1813 na e ciudad Le Roncole den cercania di Milano na Italia. Relaciona cu e 200 aña di nacemento di e compositor famoso aki, Fundacion Arubano di Arte, Stichting FUNDARTE, lo conmera e bicentenario pa medio di presentacion di 4 obra famoso di Verdi. Manera ta conoci, tur diadomingo atardi despues di 4'or, FUNDARTE en cooperacion cu Tele Aruba ta presenta un programa educativo-cultural, cu e



number Tele-Arte. Durante luna di Oktober lo dedica henter e luna aki na e Bicentenario di Natalicio di Verdi cu 4 di sumas famoso obranan. Lo presenta: "La Traviata" cu e soprano famoso Rene Fleming hunto cu e tenor Rolando Villazon cu Los Angeles Opera Orchestra, e opera "Otello" cu e famoso Placido Domingo den Metropolitan Opera House na New York, e opera "Rigoletto" lo ta cu e inolvidable Luciano Pavarotti hunto cu Wiener Philharmoniker na Vienna, mientras cu "Il Trovatore" lo ta cu e tenor di fama mundial Kenneth Collins hunto cu e soprano Joan Sutherland den e Opera-House na Sidney,

Australia. Fundacion FUNDARTE lo presenta tambe diasabra 19 di Oktober venidero pa 8'or di anochi den Cas di Cultura "UN ANOCHI DI OPERA dedica na VERDI". E tan conoci soprano di Aruba, sra. Tica Giel lo forma parti di e concierto hunto cu e tenor Luis Bracho. Nan lo ser acompaña riba piano pa e maestro di concierto, sr. Wim Statius-Muller. Fundacion FUNDARTE ta spera cu comunidad Arubano disfruta di e 4 diadomingonan di Tele Arte cu 4 famoso opera di Guiseppe Verdi y alavez ta recomenda pa reserva e anochi di 19 di Oktober pa e Concierto "Un Anochi di Opera" den Cas di Cultura.

MESTER DI PLACA? EMPEÑA Y CUMpra ORO



PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIerna



Durante e “HERO Challenge 2013” Team Polis a pusha nan condicion fisico te na e limite

Hopi apoyo di Polisnan mes y di publico general



STA. CRUZ -- Despues di algun siman di training intensivo combina cu trabao duro durante e periodo di campaña y eleccion 2013, Team Polis diasabra a pusha nan stamina y condicion fisico ta na e limite durante e prome

“HERO Challenge” pa cual Crossfit Aruba a invita diferente partner den e cadena di husticia y otro teamnan pa participa. Diferente personahe conoci di e mundo di fitness na Aruba tabata presente. Tabata haci un calor inmenso, no tabata tin

biento y e competencia tabata hopi fuerte, pero Team Polis tabata bon prepara. Alto Comisario di Polis, mr. Dolfi Richardson, kende a bishita e evento pa apoya su coleganan, a expresa, “Como Korpschef mi ta hopi orguyoso cu nos tin hopi di nos coleganan ta participa den deporte y ta dedica tempo na tipo di evenementonan asina aki.”

E mainta di e competencia Alto Comisario di Polis a manda un mensahe pa tur colega pa pasa un momento na e evento pa respalda Team Polis. Por a mira parehanan di e miembronan di Team Polis y algun fanatico, como tambe coleganan na civil y den uniform durante patruya cu a pasa demostra nan apoyo. “Mi ta spera cu esaki por ta un estimulo pa otro coleganan pa participa na evenementonan asina,” mr. Dolfi Richardson a comenta, añadiendo cu e ta contento di mira tanto coleganan hoben como esunnan cu hopi aña di servicio den Team Polis. El a bisa cu Cuerpo Policial Aruba ta trahando riba un plan pa henter e personal participa mas den actividadnan deportivo y haci mas ehercicio. Vocero di Polis, Lito Lacle a bisa cu Team Polis a bin fuerte y for di 8:30 am ya nan tabata presente pa warm up. Como un participante entusiasma di Crossfit, Lacle a encurasha su coleganan pa uza nan mente pa domina nan curpa. Den Crossfit bo no por scucha di bo curpa, el a comenta tocante e disciplina



asina dificil. Cuerpo Policial Aruba ta existi desde aña 1986 y ta conta awendia cu mas o menos 600 Polis trahando incansablemente pa brinda seguridad na nos pueblo. Ta trata aki di 375 hende homber, 104 hende

muher y 120 empleado administrativo, trahando den 4 distrito, cu Warda nan di Polis situa na Oranjestad, San Nicolas, Noord y Santa Cruz. Pa mas informacion por subi e website www.kparuba.com

MEP CU ACTIVIDAD EXITOSO DI GRADICIMENTO NA VOTADORNAN



STA. CRUZ -- Diabierna ultimo partido MEP a organiza un actividad ameno pa gradici tur e votadornan. Por a nota presencia masal di votadornan cu a acudi pa conversa cu e politiconan y cu demas campañadornan pa scucha e planes di partido. E aspecto cu a cay mas den bon tera ta cu e propio candidatonan tabata sirbi e invitadonan. E humildad ey e votadornan di MEP a aprecia mas cu tur. Lider di MEP a duna un discurso elocuente dunando un analisis di eleccion. Mester tene cuenta cu bo no por compara resultado di e eleccion aki sin mas cu resultado di eleccion 2009. Pasobra na caminda hopi cos a cambia. Na caminda MEP a perde mayoria di su candidatonan. Si na 2009 MEP tabata tin 19 milvotador, namomento cu Evelyn Wever-Croes a tuma over liderazgo di e partido na 2011 e partido tabata tin solamente 7 mil voto representa ainda den e partido. Y partido a traha duro pa recupera e votonan. Por mira awor cual logra den gran parti, no totalmente,



pero si den gran parti, cu 17 mil votador. Ademá, e fraccion den Parlamento ta pasa di ta un partido di 5 asiento pa un partido di 7 asiento awor. Esaki combina cu e hecho cu 22 otro candidato lo hiba oposicion pafor di Parlamento, lo ta e rosea cayente di nos pueblo pa vigila pa e gobierno aki cumpli cu

supromesanandino bin cu ningun medida. Sra. Evelyn Wever-Croes a gradici tur presente pa nan sosten y apoyo, den bon tempo y den mal tempo. Apesar cu tabata un anochi masha calor, esnan presente a goza di e rato ameno y a pidi caba pa ripiti esakinan. Pabien MEP cu un actividad exitoso!

Wendy's

QUALITY IS OUR RECIPE™

NEW
LIMITED TIME ONLY

**FLATBREAD
GRILLED
CHICKEN**

Facebook logo: [FACEBOOK.COM/WENDYSARUBA](https://www.facebook.com/wendysaruba)

SMOKY HONEY MUSTARD

ASIAGO RANCH

Giselle Croes ganadora absoluto di The Pink Voices Song Festival di Mary Joan Foundation

Sintoniza e festival na Canal 22 awe nochi pa 9:10 PM



Suceso awe24.com

Den bocht riba caminda muha na Pos Abao:

Dama chauffeur a slip, perde control y dal riba trafico contrario



STA. CRUZ -- Diabierna anochi a drenta informe di un accidente fuerte na e bocht di Pos Abao. Mesora a dirigi tanto polis como ambulance pa e sitio. Na yegada di e patruxa a bin compronde cu e dama chauffeur di e Toyota Corolla stationwagen a slip den e bocht riba e caminda muha y a bay dal semi-frontal riba e Chevrolet Optra di direccion contrario maneha pa otro dama. E impacto tabata fuerte y ambos chauffeur a resulta herida. Na yegada di e ambulancenan nan a atende ambos victima y a transportanan pa hospital.

Na Boegoeroei:

Accidente di cadena entre 3 auto

STA. CRUZ -- Diabierna atardi a drenta informe di un accidente na Boegoeroei. Mesora a dirigi un patruxa pa e sitio. Na yegada di e patruxa a bin compronde cu ta trata di un accidente di cadena cu 3 auto involvi. Ta asina cu chauffeur di e Range Rover preto no a regula su velocidad, ni a mantene distancia y a bay dal tras di e Toyota Yaris cora. Consecutivamente e Yaris a bay dal un otro Yaris shinishi. Afortunadamente ningun hende a reuslta herida.



Suceso awe24.com

Dilanti di Subway Paradera:

Chauffeur a reverse y dal auto

El'a sigui core bay aunke e otro partido a grite



STA. CRUZ -- Diasabra atardi a drenta informe di un accidente hit and run na Subway Paradera. Mesora a dirigi un patruya pa e sitio. Na yegada di e patruya a bin comprende cu chauffeur di Mitsubishi Lancer blanco cu tabata sinta ta come den e lugar. Despues di esaki nan a sali, reverse y dal e auto. Riba dje nan a core bay net ora cu e doño di e auto cora a sali y grite pero ya e chauffeur a trapa bay pabao. Pero e doño a logra di tuma e number y a duna polis esaki.

Na e cruzada Dr. Schaepmanstraat y Weg Fontein:

Tres persona herida den un accidente basta fuerte

STA. CRUZ -- Diasabra atardi a drenta informe di un accidente basta pisa cu hende herida na Dr. Schaepmanstraat. Mesora a dirigi tanto polis como ambulance pa e sitio. Na yegada di e patruya a bin comprende cu aki ta trata di un accidente unda cu e chauffeur di e Hyundai i10 V5796 cu tabata bayendo pabao den Dr. Schaepmanstraat no a duna preferencia na e Hyundai Accent A38791 cu tabata bayendo zuid den Weg Fontein. E impacto tabata fuerte y tres hende a resulta herida. Na yegada di ambulance nan a atende e victimanan y a transporta nan pa hospital.



Suceso awe24.com

Polis a confisca pick-up horta y laga atras na Tanki Leendert Villas

STA. CRUZ -- Diasabra mainta a drenta informe cu na Tanki Leendert Villas desconocidonan lo a laga un pick-up atrás. Mesora a dirigi un patruxa pa e sitio. Na yegada di e patruxa a bin constata cu ta trata di e Nissan pick-up blanco A11866 cual a ser raporta como horta. Mesora polis a confisca e vehiculo aki pa mas investigacion.



Auto procedente di ladroncia laga atras banda di Emmaschool



STA. CRUZ -- Diadomingo mainta a drenta informe cu tin un auto procedente di ladroncia cu lo a ser laga atras banda di Emmaschool. Mesora a dirigi un patruxa pa e sitio. Na yegada di e patruxa a bin encontra cu e Nissan Sentra cora A23730. Mesora polis a confisca e vehiculo aki pa mas investigacion.

Suceso awe24.com

Pick-up horta banda di parlamento, encontra na Tanki Leendert Villas



STA. CRUZ -- Diadomingo mainta a drenta informe cu tin un pick-up laga atras na Tanki Leendert Villas. Mesora a dirigi un patruya pa e sitio. Na yegada di e patruya a bin compronde cu aki ta trata di e Mitsubishi L-200 pick-up A53320 cual a ser horta for di banda di parlamento den oranan di anochi pa madrugada. Polis a confisca e vehiculo aki pa mas investigacion.

Polis a para y controla hobennan riba bicicleta cu bateria di auto



STA. CRUZ -- Diasabra atardi den Edisonstraat polis a topa poco hoben coriendo riba bicicleta pero cu bateria di auto. Mesora polis a para nan y a puntra nan unda nan a haya e bateria. Nan a declara den mondi. Mirando cu e bateria tabata tin hopi stof riba dje y cu den Edisonstraat tin un lugar cu ta compra metalnan y bateria, polis a djis tuma nan nomber si mester di di esaki y a laga nan sigui nan caminda.

Suceso awe24.com

Hoben a bay school anochi cu brommer sin number

Ladronnan a horte y bay cune



Diabierna anochi a drenta informe di un caso di ladroncia di scooter for di E.P.B. Hato, mesora a dirigi un patruya na e sitio. Na yegada di e patruya a bin comprende cu e doño T. cu el'a para su brommer Yamaha model 400-F sin nummerplaat riba e parkinglot di e school y ora cu el'a bay pafor pa busca su pan na e brommer el'a mira un desconoci bay cu su brommer. Polis a tuma su keho.

Riba e caminda di Rancho Daimari:

Polis a encontra Nissan Sentra blanco A19136, procedente di ladroncia

STA. CRUZ -- Diadomingo mainta a drenta informe cu tin un Nissan Sentra blanco cu algun hoben cu tabata banda di dje a core bay y laga atras riba e caminda di santo pa bay Rancho Daimari. Mesora a dirigi un patruya pa e sitio. Na yegada di e patruya a bin encontra cu e Nissan Sentra blanco A19136 cual a ser horta for di Avenida Alo Tromp. Polis a confisca e vehiculo aki pa mas investigacion.



Suceso awe24.com

Aruba 5 strea?

Turistanan ta duda di esaki ora nan mira awa di riool riba caminda dilanti hotelnan



STA. CRUZ -- Awor a para bira cu Aruba ta wordo propaganda cuenta di 5 strea etc. etc. pero ora e turistanan mira con awa di riolering ta sali riba caminda dilanti e highrise hotelnan na Palm Beach, esaki ta denigra e rango di nos pais.

Varios sospechoso Venezolano deteni na airport relaciona cu dollars y credit card falso

STA. CRUZ -- Den e dianan cu a pasa autoridad tabata riba un alerta pa un grupo di turista Venezolano relaciona cu dollars y credit card falso. E supuesto turistanan a kere cu Aruba ta un easy target pa nan fechorianan pero autoridad a demostra nan cu nos tin investigadornan cualifica pa haci investigacion. Esaki a keda demostra ora cu autoridad a captura varios di nan ora cu nan kier a bandona nos isla.



Un storia di optimismo – Prome di tres parti.

Di Universidad di Kansas pa Esso Libya na Tripoli

Skirbi pa Clyde Harms (clydeharms@yahoo.com)

Un caminda largo y yen di obstaculo

Lesadornan di mi articulonan ta corda mi odisea pa yega Universidad di Kansas viahando cu tanker di Aruba pa Philadelphia y despues cu bus te Lawrence, Kansas via Norman, Oklahoma. Despues di gradua na año 1964, mi a pasa den un otro odisea, uno cu a dura mas di dos año y cu a siña mi cu den bida hopi bes tin obstaculo inespera. Pero mescos cu Candide di Voltaire, mi a mantene semper mi optimismo y al final mi determinacion y perseverancia a triunfa y ami a keda un persona mas fuerte. Esaki ta e prome parti.

Esso Eastern na Soengei Gerong, Indonesia:

Algun luna prome cu mi a gradua, a sali den e corant di Universidad di Kansas un anuncio cu un reclutador di Esso lo ta riba campus pa busca futuro empleadonan pa Esso Standard Eastern (ESE). Mi tabata loco pa entrevista cu ne pa mi por bay bek cu Esso, pero e anuncio tabata bisa cu e tabata solamente interesa den graduadonan cu gradonan di Master's of Ph.D. Grandi tabata mi sorpresa ora m'a haya un invitacion di dje mes pa mi bin papia cune. Aparentemente, sin cu ami tabata sa, e decano di School of Business a convenc'e cu, considerando mi experiencianan di bida (casa cu tres yiu), mi logronan na Lago caminda mi a traha 11 año, especialmente como programmer/systems analyst y mi logro como estudiante, (mi tabata bay gradua number 1 di klas na edad di 33 año, casa cu tres yiu), mi formacion ta equivalente na un Master's. Na final di e entrevista, e representante di Esso a ofrece mi un posicion cu pronto lo bira bashi cu Soengei Gerong, Sumatra. Como mi omo Victor Wever a yeg'i traha hopi año aya, y e salario y otro beneficianan tabata masha atractivo, mi a acepta di bay New York pa mas entrevista. ESE e tempo ey tabata tin actividadnan di exploracion, produccion y mercadeo na paisnan na Africa, Asia y otro paisnan Oriental manera Hapon, Indonesia y Filipinas. ESE hasta tabata opera un planta electrico den un di e paisnan. Mi a pensa cu despues lo mi por laga Sumatra y wordo staciona na un otro lugar mas interesante manera Bangkok, Singapore of Kuala Lumpur. E empleadonan Europeo y Americano na Sungei Gerong tabata biba den un lugar manera Lago Colony. Nan tabatin school, hospital y hopi facilidad pa deporte. E casnan tabatin tur e mueble y artefactonan di casnan Mericano y e cayanan tabata limpi y tabata existi seguridad completo. Unico diferencia grandi cu na Sungei Gerong no tabata tin un comisariato ni tiendanan pafor di e colony caminda por a cumpra cuminda y otro cosnan. Un bes pa luna tabatin un avion cu tabata bay Singapore pa haci compra pa tur hende, pero omo Victor nunca a keha di e fayto aki. Mi a dicidi cu ami y mi famia tambe por biba cu e inconveniencia di traha un lista di compra tur luna. Por cierto, esaki lo impedi nos di gasta placa pa loco. Cu un bishita di dos dia na New York, mi a regla e detayenan di un contract y mi a acorda cu despues di un vacantie na Aruba, lo mi raporta na oficina di ESE na Rockefeller Center na luna di Augustus. Durante nos vacantie ami y mi famia a cumpra un cantidad di paña Marca FuGe na No.1 Store di Fuchs en Gelbstein den caya grandi di Oranjestad pa nos no tin necesidad di cumpra esakinan na Singapore.

Un di e rekisitonan pa bay Indonesia e tempo ey tabata papia nan idioma, Bahasa Indonesia, un version di Maleis. Mi señora y ami a cuminsa un curso intensivo cu Berlitz tabata duna den e mes edificio caminda mi tabata traha. Bahasa no a resulta hopi dificil pa nos. E tin hopi expresion deriva di idioma Hulandes y Portugues. Cu nos dominio di Hulandes y Papiamentu despues di algun luna ya nos tabata por conversa cu nos docente.

Entre tanto ami tabata siña sistema di accounting di Esso Eastern

y cera conoci cu tur e hendenan di e compania staciona na New York y esnan cu tabata staciona den exterior ora cu nan bishita nos oficina. Lunanan a pasa, año 1964 a caba y nada di nos visa pa Indonesia. Nos tabata sospecha cu e conflicto cu Sukarno tabatin cu Inglatera y otro paisnan tocante e formacion di e Federacion Malaysia lo tabata afecta nos aplicacion. Na cuminsamento di 1965 m'a yuda cera bukinan di

año 1964 di e madre empresa Standard Oil of NJ (Esso) y ainda, nada di nos visa. Algun luna despues nos sospechonan a bira realidad. Aunke Hulanda no tabata envolvi den e conflicto, Indonesia a rechaza nos aplicacion pa via di nos afinidad cu Hulanda. Tur e preparacionnan pa bay Indonesia tabata en vano. Esaki tabata fin di e prome parti di mi odisea, pero mas problema y obstaculo tabata na caminda pa pone na prueba mi optimismo y forza spiritual di mi famia. Parti number dos lo sali otro siman. Epilogo na e parti aki: Añanan despues na Tripoli mi a haci conoci cu John Bindeman un Accountant cu Esso kende a bin di Soengei Gerong pa traha cu Esso Libya. John a conta mi cu ta bon mes mi no a bay aya. Aparentemente e servicio di seguridad Americano a descubri un plan di e teroristanan comunista pa likida un cantidad di stranhero, Mericano y Europeo. E lista di e 'candidatonan' no tabatin nomber, solamente e posicion di e persona. E posicion cu ami mester a tuma na Soengei Gerong tambe tabata riba e lista. No hay mal que por bien no venga.

Leyenda pa e fotonan adhunto: 1. Hospital pa empleadonan di Esso na Sungei Gerong. 2. Algun cas di expats na Sungei Gerong. 3. Cancha di tennis pa expats na Sungei Gerong. 4. Autor dia cu el 'a gradua di University of Kansas



Suceso awe24.com

Dilanti Westin Hotel:

Chauffeur no a regula su velocidad, ni mantiene distancia y a dal tras di auto su dilanti



STA. CRUZ -- Diadomingo madruga a drenta informe di un accidente dilanti di Westin Hotel na Palm Beach. Mesora a dirigi un patruya pa e sitio. Na yegada di e patruya a bin comprende cu aki ta trata di un accidente cu e chauffeur no a regula su velocidad, ni a mantiene distancia y a dal tras di e auto su dilanti. Afortunadamente ningun hende a resulta herida.

Irresponsabilidad of ignorancia?

Ambulance su so ta bay den reverse!



STA. CRUZ -- Cubriendo un incidente nos colaborador y tambe agentenan policial presente na e sitio a experiencia con e ambulance SU SO a switch bay den reverse y con esaki a cuminsa haci e zonido di reverse sin cu tin un hende den dje! Tur esaki net e siman aki cu a gaba cu Aruba ta conta cu varios ambulance. Pero awor poco poco e berdad ta sali na cla cu hopi di nan ta defectuoso. Aruba 5 strea!

Polis a bay controla auto posiblemente laga atras na DOSVA



STA. CRUZ -- Diasabra mainta a drenta informe di cu banda di Club di Douane D.O.S.V.A. desconocidonan a laga un Nissan Sentra atras posiblemente di joyriding. Mesora a dirigi un patruya pa e sitio. Na yegada di e patruya nan a nota cu e auto tabata full cera y cu no tin nada particular cu e auto. Un persona den e area a informa polis cu un rato promer un hende a bin y a habri e baul di e auto y a saca un jerry-can y bay for di e sitio. Polis a bay na e adres unda e auto ta pertenece y no a logra haya e doño. Pues muy probablemente gasolin lo a caba cu e auto.



Drive for life...



CONDORITO

BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupial	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Oranjestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad National	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147
Agencia Funeral:	
The Olive Tree	584-8888
Ad Patres	584-2299
Aurora	588-6699
Mementomori	582-2222

Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muherr	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

Dokter y Botica na Warda pa bao di Brug:

Yama pa informacion na Horacio Oduber Hospital: 527-4000

Dokter y Botica na Warda pa riba di Brug:

Sorteo di dia : Oktober 05						Sorteo di dia : Oktober 06					
Santo Domingo	Diario	Curaçao	Super 4	Lot / Cat	Big 4	Santo Domingo	Diario	Curaçao	Super 4	Lot / Cat	Big 4
	8853	2326	4559	9601	7431		4969	3639	3665	9388	3329
	0851	3954		6668			8133	6160		7526	
	2535	0101		6401			2348	1617		1420	
Lotto	03 - 09 - 10 - 20 - 28					Lotto	03 - 07 - 11 - 13 - 24				
Mini Mega						Mini Mega					
Mega Ball						Mega Ball					
Zodiac	9562 Libra					Zodiac	2793 Capricornio				

7 oktober 2013

Ing. John R. Peterson, Candidato # 9 di PPA

Gradecimiento



Meiveld, Aruba. Ya eleccion ta tras di lomba y vida ta sigui su rumbo normal. Ami candidato # 9 di PPA, John Peterson kier a gradici benter pueblo pa nan forma bastante civico di participa den e eleccion,

cu exception di algun cu no kier a coopera cu e bon voluntad cu mester acompaña Pueblo pa ejerce su voto. Mi ta gradici tur cu a vota pa PPA y pa mi persona. Nos lo no termina cu e partido aki mientras cu tin un Arubiano dispuesto pa vota pa nos. Nos sa cu Pueblo no ta cla pa haci un cambio radical pasobra ainda nan tin bon riba nos isla. Una ves Pueblo cuminsa sinti e rotan di serca di pobreza, falta di estabilidad den nan finanzas cu ta perjudica nan, nan lo busca un alternativa. PPA semper den pasado a demonstra cu nan ta Goberna pa trece Progreso duradero pa un y tur. Are Aruba ta grandi danki na Gobiernonan di PPA di e tempuran ey cu a lanta e Pilar Economico di Turismo contra ideanan di nos opositornan politico. No tin pobreza alarmante den nos grandinan, danki na e Pension cu PPA a introduci 55 aña pasa y asina mi por menciona mucho mas cos cu ta danki na PPA. PPA ta un ideologia Social Democrata Real, no maa na ningun otro ideologia of desao cu no ta pa Desarrollo di e Pais y tur esnan cu por wordo yama Arubiano. PPA ta para pa Progreso y Prosperidad pa tur Arubiano. Ta pesey PPA lo no muri nunca mientras tin un parti di pueblo cu kier pa e sigui. Momento cu pueblo ta cla pa trece un cambio den Gobernacion, PPA lo tey pa duna e alternativa aki. Un bes mas, masba danki Pueblo Votador pa boto manera civico di bay vota, nos ta orguyoso di boso.

MENSAJES

COMO BAJA LA LLUVIA Y LA NIEVE DE LOS CIELOS Y NO VUELVEN ALLÁ SIN HABER EMPAPADO Y FECUNDADO LA TIERRA Y HABERLA HECHO GERMINAR, DANDO LA SIMIENTE PARA SEMBRAR Y EL PAN PARA COMER, ASÍ SERÁ LA PALABRA QUE SALGA DE MI BOCA. NO VOLVERÁ A MÍ SIN HABER HECHO LO QUE YO QUERÍA, Y HABER LLEVADO A CABO SU MISIÓN.

IS 55,10S



CLASIFICADO

solodipueblo@gmail.com



Medical & Home Healthcare Services

Av. Milo Croes 52, Dakota - Aruba

Tel. 582 6651 / Fax 582 6567

BUSCA TUR BO PRODUCTIONAN DIABETICO

Manera:

Diabetic Hand, Elbow & Knee Lotion

Diabetic Face Care

Diabetic Nail & Finger Cream

Diabetic Foot Massage Cream

Diabetic Key Chain (Jabero)

Diabetic Bracelet and Necklace (Armband i Cadena)

Special Medical Diabetic Shoes

Glucio Perfect (Machine pa test sucu den sanger.)

Labco Medical
lider den productionan
Diabetico na Aruba

TA BENDE

Hariña di MAISHI RABO
100% na Nature's Discount
Seroe Blanco dilanti di
APFA Pos Chikito dilanti di
Botica Aloë Tel: 5885380 -
5840336

MARIO'S SEPTIC

SERVICIO NA BO PORTA:
MARIO'S SEPTIC
SERVICES CLA PA
BRINDABO SERVICIO
PA CHICA POS, HABRI
TUBERIA Y CALIDAD
CELL: 5603500

TRAPPERS CLUB

- Fiesta, reunion, ricibimento, bruid, fiesta grandi o chikito.
- Workshop, reunion, reunion deportivo, encuentran di iglesia.
- Area openlucht ta acomoda 1000 persona
- 2 Sala aircu cu ta acomoda te cu 400 persona
- Area openlucht cu stage, pa festival, iglesia, fiesta familiar
- Remodela Situa pariba di Botica Central, pabao di veld di Rockets @ Sta Cruz 739-0101 / 748-8280

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

NEW LOOK

Hair & Nails



Mon.-Sat. 9:00AM-12:00AM
Mon.-Sat. 2:00PM-6:00PM
Sunday 2:00PM-7:00PM

Special pricing packages that
include monthly:
Short hair: 126.90
Medium hair: 142.10
Long hair: 157.35
Extra long: 172.55

- *3xblower
- *3xwash
- *Special treatment
- *1xmanicure or pedicure

For gentlemen
Prijs: 116.75

- *2xcut hair
- *1xmanicure
- *1xpedicure
- *1xparafina

Madiki #116
Tel: 6616325

blackberry pin: 27A1BA2DX

Suceso awe24.com

Homber a horta auto y causa dos accidente

El'a sigui core bay laga auto kibra atras



STA. CRUZ -- Diabierna anochi a drenta di un accidente hit and run na Palm Beach. Mesora a dirigi un patrulla pa e sitio. Na momento cu e patrulla tabata na caminda a drenta informe di un otro accidente hit and run. Un rato despues a drenta informe di cu e auto cu a dal e 2 autonan aki a ser laga banda di Noord 130. A bin haya e Toyota Yaris berde A34674 kibra y abandona. Polis a confisca e vehiculo aki pa mas investigacion, mas laat casi mey anochi a drenta informe di cu e auto aki a ser horta for di e ex-edificio di Superfood.

Colombiano ilegal a bay su droga y a haci'e violento contra polis



STA. CRUZ -- Diadomingo mainta a drenta informe cu tin un persona droga a yega na un cas den Windstraat. E tabata agresivo y como cu tin mucha chikito den e cas, a yama pidi polis. Na yegada di e patrulla a bin comprende cu ta trata di un Colombiano ilegal cu a yega na su cas mal droga y tabata incontrolable. Mirando cu e ta ilegal na Aruba a detene. Su detencion no a bay facil y a resiti fuerte contra di su detencion. Nos a compronde cu pabao tin un droga nobo cu ta malo y ta haciendo hende bira masha agresivo y incontrolable. Aparentemente lo ta trata di "1 2 3 pasito".

ALEJANDRO DUQUE

Kier a invita: Tur su fiel cliente pa pasa.
Conoce su peluqueria nobo.

PELUQUERIA

ART & BEAUTY
clinic

Situada en Santa Cruz 111B (Banda di).
(Richelle Beauty Vision).

Tel: 587-1886/5681467

JEGA!



• CORTES • MANICURE • PEDICURE • TINTES • KERATINA



Indian Rock Garden

awor den su estilo nobo pa bo
bruid, aniversario of cualkier otro
celebración....

Yama 592-6460
y haci bo reservacion

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500



Permanent Make-Up

E solucion pa bo cejanan

- Cejasnan dañá of mal forma
- Esnan cu no tin cejas
- Cejasnan cu colornan cora, biña, berde etc.
- Tambe eyeliner y lipliner

Nos tin e solucion pa bo.
Cada servicio ta den forma personaliza.
Sin dolor y no ta hincha den un ambiente relajante.
Mas di 15 año di experiencia.

Tambe nos ta drecha cejanan cu:
Waxing, pincet y blade den forma unico,
Cu ta cuadra cu bo cara.
Yama awe mes na 730-3327 / 586-7272 nos ta wardabo
cu un sonrisa. Consulta ta gratis.
Na: Dilailah Beauty Clinic
Noord # 82 den Centro Comercial Noord
patras di Botica Noord

Polis a core cu chollernan den cercania di ex- edificio di Nicky Habibe



STA. CRUZ -- Diadomingo madrugada a drenta informe cu chollernan ta hortando den edificio di Nicky Habibe. Mesora a dirigi un patruya pa e sitio. Na yegada di e patruya nan a nota algun choller den cercania y a core cu nan for di eybanda.

Polis a detene un hoben buscando problema na La Cabana



STA. CRUZ -- Diadomingo madrugada a drenta informe cu na La Cabana tin un hende ta molestando y haciendo fatioso na e hotel. Mesora a dirigi un patruya pa e sitio. Na yegada di e patruya, nan a atende cu e guardia di seguridad cual a indica na e hoben, polis mes a nota cu e ta bao influencia di un of otro substancia y tabata molestando. Mesora a detene y hib'e na warda di polis.

"Serca Dios so mi alma ta na pas, ta di dj'E mi salbashon ta bini".

Ps: 23

Cu inmenso tristesa den nos curason, pero agradecido pa tur loke ela nifica pa nos den bida, nos ta participa fayecimento inespera di:

Royci B.E. Fingal
Mihor conoci como Moloy
of Yoyo
***20 Augustus 1961 †03**
Oktober 2013



Na nomber di su esposa:

Ruth Fingal-Croes

su yui stima:

Roycelynn Fingal y Joshua Croes

Manera yui:

Kenneth Montero

Rumanan:

†Hendrick y Vda. Regina Fingal-Bareño y yuinan

†Genoveva y Vdo. Obildo Croes-Fingal y yuinan

Elvia Fingal y yuinan

Jeanette y John Croes-Fingal y yuinan

Raymond y Grace Fingal-Wouters y yuinan

Swinda y Mengelito Kelly-Fingal y yuinan

Mariene y Gio Maduro-Fingal y yuinan

Ronald y Lisette Fingal-Lacé y yuinan

Mariska Trimon

Su swa y cuñanan:

Cadia (Fransisca) Paesch y yui

Frans Croes

Ailyn y Anselmo Pontilius y yuinan

Tico y Cuchi Croes y yuinan

Dorothy y Antonin (Padu) Croes y yuinan

Bobby Croes y yui

Erwin Croes y yuinan

Raquel Croes

Su tanta:

Maximina Solognier-Geerman na Hulanda

Su mihor amigonan di cas:

Shannon Thijsen y famia, Oly Dirksen y Famia, Gachi

Naduro, Maikel Dijkhoff, Buchi,

Ismael y Robby Paskel

Ayudante di cas:

Yadira Castellar y famia

Tur subrino y subrinanan, primo y primanan, com er y compernan, ihanan, bisña-y conocirnan, madrina y padrinoan, su amigonan y ex coleganan di ex-Americana y Hyatt Hotel.

Dem as famia: Fingal, Croes, Geerman, Bareño, Wouters, Kelly, Maduro, Lacle, Trimon, Paesch, Pontilius, Tromp, Sandries, Carlo, Refunjol, Winterdaal, Correa, Thijsen, Boekhoudt, Montero, Weller, Solognier.

Ta invita tur famia, amigo y amiganan, bisñanan y conocir(nan) pa asisti e acto di entiero cual lo tuma lugar diamars 8 di Oktober 2013 pa 4 or di atardi, saliendo for di Misa Santa Filomena na Paradera pa Santana Catolico Pastoor Kranwinkel na Paradera. Nos defunto stima lo reposa for di 2'or atardi den Misa.

Adres pa condolencia: dialuna 7 di October 2013 na Aurora Funeral Home di 7'or pa 9'or di anochi.

Nos kier a pidi nos disculpa si den nos dolor nos por a lubida un of otro famia

Oracion pa reza tur dia pa Dios cuida nos dushi pais Aruba

Den nomber di Cristo Hesus nos ta acerca bo Tata y nos ta pidi bo, tene misericordia cu nos y cu nos pais Aruba. Awe nos ta pidi bo Señor, pa pone un biaha mas bo bista amoroso riba Aruba, purifica nos pasi Aruba, di tur mancha di maldad, libera Aruba di tur acto di scuridad y di tur actonan diabolico.. Laga bo angelnan campa rond Aruba, cubri Aruba. Spirito Santo guia y proteha cu bo luz divino tur cu ta y cu tabata biba na Aruba pa un dia nos por topa atrobe den bo Reino celestial. Amen



Cu honda pena, pero conforme cu Dios Su boluntad
John's Pizza & Catering Services
 ta anuncia morto inespera di:



Royci B. E. Fingal

Swa y ruman di propietario John y Jeanette Croes-Fingal
 Acto di entiero ta: diamars 8 di Oktober 2013 na Misa Santa Filomena na Paradera pa 4'or di atardi.
 Cu Moloy sosega na paz.



Cu hopi tristesa directiva di Fundacion Centro di Pesca Hadicurari ta anuncia fayecimento di:

Sr. Hendrik Livino Rasmijn

Conoci como "Livino"

Miembro y amigo di
 Centro di Pesca Hadicurari

Directiva, staff y usuarionan di Centro di Pesca Hadicurari, como tambe na nomber di tur piscado di Aruba, ta expresa sincero pesame y convivencia na famia. Hopi forza y consolacion na e momentonan dificil aki.

Entiero ta tuma lugar diamars 8 di october 2013, 2- 4'or di atardi na misa Aurora Funeral Home. Luga pa condolencia: Aurora Funeral Home, dialuna 7 di october 2013, 7'or pa 9'or di Anochi.

Ta pidi tur piscado pa bisti T-shirt di Hadicurari y carson preto pa entiero diamars

Cu Livino pisca eternamente den lama di shelo



Nos primo, sobrino, cu tabata humilde y amabel
 Semper balente y jen di energia
 dispuesto pa juda un y tur.
 Prepara na Universidad Culinar bo a decidi di bira rumbo y sigi bo pasion, e lama Dios a dicidi cu ta ora pa bo nabega pa su Reino Celestial.
 Aya e lama ta limpi y ta brilla manera bo curason.
 Nos lo haña bo falta ruman.
 Livino sosega den brasa di Señor.

Reynaldi y Rosa y famia, Rosita, Gina y Ad, Natalie, Ronny, Amanda y Enrique

Gradicimento y invitacion

Pa medio di esaki nos kier a gradici tur esnan cu di un of otro manera a muestra nan atencion durante enfermedad, fayecimento y entierro di nos defunto stima:

**Sr. Luciano
Juliano «Juchi»
Koolman**

Gradicimento ta bay tambe na tur esnan cu a manda flor, telegram y jamadanan di telefoon.

Un danki special ta bay na Dr. Benjamin Croes y Dr. de Lange, Staff y Personal di Intensive Care "Dr. Horacio Oduber Hospital" pa nan pasenshi y cuida special. Sr. Max Hassell pa su bunita cancionnan, Sr. Eddy Werleman pa su bunita palabranan. Staff y Personal di "The Olive Tree Funeral Home" pa e bunita trato special. Boso muestra di cariño y atencion na nos durante enfermedad y entierro di nos defunto stima lo keda semper den nos curazon. Alavez nos kier a invita pa tres santo sacrificio di misa: diadomingo 6 di Oktober pa 6:30'or di atardi, diamars 8 di Oktober pa 7'or di anochi y diabierna 11 di oktober pa 7'or di anochi y tur na misa Immaculata Concepcion na Santa Cruz. Despues di ultimo misa lo tin un rosario na cas Maria Maai # 24.

Boso presencia ta altamente aprecia.
Na number di su yiunan y demas famia.



"Señor ta mi wardador mi'n tin falta di nada
Den cunucu di yerba berde e ta ponemi
sosega.
E ta hibami na awa trankil,
Pa mi bolbe haña forsa".
Salmo: 23

Cu inmenso tristesa pero conforme cu
boluntad di Dios nos ta participa fayecimento
di :

Livino Rasmijn
*13-11-1968 †01-10-2013

Na nomber di su:

Mayornan:

Coby y Mena Rasmijn

Rumanan:

Richard Rasmijn

†Cesar Rasmijn

Sobrinonan: Marybeth Rasmijn

Cesmar Rasmijn y Margelina Wolff y

Cesmartje

Revelino "Lino" Rasmijn

Iha:

Winfried Rudel

Wela:

Sra. vda. Maria

Werleman-Geerman

Tanta y omonan:

Fransica Ridderstap y famia

†Lien y Ronny Meurs-Rasmijn y famia

Ale y Winnie Rasmijn-Thiel y famia

†Fan y Lina Rasmijn-v/d Biezen y famia

†Efe Rasmijn

Marina y Jerry Franken y famia

†Juan Werleman y famia

†Meta y †Amabel Henriquez y famia

Sita y Chemmy Dubero y famia

Roly Werleman

Dina y Tom Croes y famia

Sylvester (Buchi) y Níeva Werleman y famia

Helen y Roland Angela y famia

Frank Werleman

Tico Werleman y famia

Enrika y Jossy de Cuba y famia

Cadochi Werleman y Erika y famia

Cuñan: Marina Maduro

Bon amigonan: Roxanne y Harald Rudel

y famia, Topo, Ike, Everell, **Jack**, Felis,

Rudy, Tuy, Buchi, **Jaim e, Robert, Jani,**

Tintin, Byron, Castro, Rafael, Fransisco,

Rom eo y demas amigonan di Centro di Pesca

Hadicurari y Aruba Marine Park Foundation

y amigonan culinario

Primo y primanan, amigonan,

conocirnan, bisiñanan.

Demas famia: Rasmijn, Werleman

Nos ta pidi nos disculpa si den nos

tristesa nos por a lubida un of otro

famia of amigo.

Ta invita tur famia, amigo (a) nan,

bisiñanan y conocir(nan) pa asisti

na e acto di entierro cu lo tuma lugar

diamars 8 di Oktober 2013

Di 2or pa 4or di atardi na Aurora

Funeral Home despues saliendo pa

Santana "Santa Maria" na Sta Cruz.

Adres pa condolencia: Aurora Funeral

home, dialuna 7 di Oktober 2013 di 7'or

pa 9'or di anochi.

Nos ta lamenta cu despues di entierro nos

no por recibí bishita di condolencia na

cas.



Invitacion

**Ken por pensa cu ya ta 1 aña cu bo a bay
pa un lugar mas bunita?
Ken por a pensa cu bo ausencia te ainda
ta haci asina hopi dolor?
Sigui drumi dushi den braza di nos Señor.**

Pa medio di esaki nos kier a invita
tur famia, amigo y conocirnan pa un Santo
Sacrificio di Misa pa recorda e prome aña
di fayecimento di nos inolvidable defunto
stima

**Rosa Franken-
Ridderstaat
"Rosa di Vrigillo"**

cual lo tuma lugar
**diamars 8 di
Oktober 2013 pa
5:30 di atardi na
Kapel di Alto**

**Vista. Bo(so) presencia ta wordo
altamente aprecia.**



Na nomber di su esposo Virgilio y yiunan

**"Laga tur locual, cu ta sperami ta bunita,
Laga tur locual, cu mi encontra na
caminda ta bunita,
Laga tur locual, cu ta rondonami ta bunita
Laga tur locual mi ta laga'tras keda bunita
y laga esakinan termina den tur buniteza.**

"

Cu inmenso tristesa na nos curazon, nos ta
participa fayecimento inespera di:




Florencio Tromp

Acto di entierro lo wordo anuncia despues.

**Bo a cumpli cu bo promesa
Y bo ta dicidi cu ta ora descansa
Y bai topa cu bo sernan cu a bai bo dilanti
Recuerdonan ta keda nos y un danki di
curazon...**

Cu hopi duele den nos curazon pero
agradecido pa tur locual ela significa pa nos,
Nos ta cumpli cu e tristo deber di anuncia cu
a bai sosega den braza di Senjor



**Rudolf Adriaan Hendrik
Lacle**

mihor conocí como Junior

ta invita pa e acto di despedida cual ta tuma
lugar dialuna dia 7 di Oktober di 10'or di
mainta pa 1'or di merdia na The Olive Tree
Funeral Home.

Ta deseo di defunto pa wordo crema.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of

585-9500

UN DIASABRA ANOCHI DEN CONFESSION



REX
Aruba

WWW.REXARUBA.COM

MOBILE: +297 7342063 / +297 5642063 / DESK: +297 5882064
EMAIL: REXARUBA@GMAIL.COM

YouTube Facebook Twitter QR Code